



Jens Napaattoq  
Inatsisartunut ilaasorta / Inatsisartut@inatsisartut.gl  
Naleraq

## Qulimiguulinnut mittarfiliornissat pillugit § 37 naapertorlugu apeqquteqaammut 2024-182-imut akissut

27-08-2024  
Sullap nr.: 2024 - 15317  
ID. nr. 93688139

Asasara Jens Napaattoq

Qulimiguulinnut mittarfiliornissat pillugit Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannit akineqartussanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaat kingornanniilluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1.** *Nunatsinni inoqarfiit, illoqarfiit, nunaqarfiit, sorliit nalinginnaasumik qulimiguulinnut mittarfeqanngillat (heliport, helistop), pilersiviginissaannullu qanoq ullutsinni akeqartinneqassapat?*

Akissut: Apeqquteqartup apeqquteqaammini "Nalinginnaasumik qulimiguulinnut mittarfiit" innersuussutigai. Tassani nassuiaassutaa apeqqutaavoq, tassami qulimiguulinnut mittarfiit siunertanut assigiinngitsunut atorneqartussanngorlugit pilersinneqarsinnaammata, ilanngullugit nalinginnaasumik ilaasunik assartuussinissamut, inuussutissarsiornermi timmisartuussinissanut il.il. Qulimiguulinnut mittarfiit assigiinngitsut taakkua aamma assigiinngitsunik maleruagassaqartinneqarput aqqissuunnissaannullu piumasaqaatitaqarlutik. Taamaalilluni aningaasartuutissanut tunngavissarpasuit apeqqutaasarput, soorlu qulimiguulinnut mittarfik kia ingerlatissanerai, akigititassat, inissisimaffissaa, sanaartornermut piumasaqaatit, angissusissaa allallu.

Apeqquteqartup BL 3-8-mi maleruagassiivigineqartunik taaneqartartut, ingerlatsinissamut akuersissuteqarfiullutik qulimiguulinnut mittarfiit innersuussutigisimappagit, Mittarfeqarfiit nalunaarusiamini 2022-meersumi "Kalaallit Nunaanni qulimiguulinnut mittarfiit" inoqarfiit makkua ingerlatsinissamut akuersissuteqarfiunatik qulimiguulinnut mittarfiusutut naatsorsuuppai (qupp. 20, tabeli 5):

Illorsuit, Kangerluk, Nutaarmiut, Qeqertarsuatsiaat, Nuugaatsiaq, Kangaamiut, Naajaat, Qeqertat, Atammik, Kapisillit, Oqaatsut, Saarloq, Igaliku, Napasoq, Qassiarsuk.

Nalunaarusiaq ilanngussartaalu ilanngunneqarput.

Qulimiguulinnut mittarfinnik pilersitsinissamut aningaasassanik immikkoortitsisoqannginnerani taakkua sanaartornissaannut pilersaarusiorneqaaqqaartussaapput, taamaalilluni naapertuuttumik naggataatigut aningaasartuutissat missiliorneqarsinnaassallutik. Taamaattumik suliaasaqarfimmi

annertunerusunik ilisimasaqarnissaq pisariaqarsimappat, sanaartugassamut pilersarusiornissamut aningaasassanik immikkoortitsisoqaqqaartussaavoq. Greenland Airports siusinnerusukku § 37 naapertorlugu apeqquteqaammut 2024/142-mut akissuteqarnermut ilanngussaqqarpoq, tassani akissutigineqarluni Kangaamiunut, Atammimmut, Napasumut aamma Qeqertarsuatsiaanut tunngatillugu, matuma siuliani allassimasut sillimaffigalugit, akigititassaq 3-6 mio. koruunit akornanniissasoq naliliisoqartoq.

Taamaattumik Naalakkersuisut apeqqutip tassunga tunngasortaanut annertunerusunik akissuteqarsinnaanngillat aammalu Inatsisartut suleriaasianni § 37 imm. 2 innersuussutigisariaqarlugu.

**Apeqqu 2.** *Apeqqu 1-imi pineqartut aallaavigalugit, mittarfii ingerlanneqarnissaanut timmisartuunneqarsinnaanissamut kiffartuussinermut isumaqatigiissuteqalernissaanullu missingersuutigissagaanni, qanoq ukiumut aningaasartuutigineqartalissappat?*

Akissut: Ukiumoortumik aningaasartuutissanut tunngavissarpasuit apeqqutaasussaapput, takuuk apeqqummut 1-imut akissut. Taamaattumik Naalakkersuisut apeqqutip tassunga tunngasortaanut annertunerusunik akissuteqarsinnaanngillat aammalu Inatsisartut suleriaasianni § 37 imm. 2 innersuussutigisariaqarlugu.

**Apeqqu 3.** *Nunatsinni inoqarfiit, illoqarfiit nunaqarfiilluunniit, sorliit nalinginnaasumik qulimiguulinnut mittarfii (heliport, helistop) nutarsagassaappat, aqqissornissaallu qanoq ullutsinni akeqartinneqassappat?*

Akissut: Nalunaarusiami 2022-meersumi "Kalaallit Nunaanni qulimiguulinnut mittarfii" tassungalu atasumi "Kalaallit Nunaanni qulimiguulinnut mittarfinnut nalunaarsukkanut ilanngussaqq" Mittarfeqarfinneersumi aningaasaliinissamut pisariaqartitsinerit nassuarneqarput. Tassani aamma ilaatinneqarput Kalaallit Nunaat tamakkerlugu qulimiguulinnut mittarfinnut aserfallatsaaliuinissaq. 2022-mi pisariaqartitsineq, maleruagassat atuuttut aallaavigalugit 11 mio. koruuninut naatsorsorneqarpoq. Nalunaarusiami allassimavoq, ukiut arlallit iluanni inatsisitigut tunngavissani allanngortitsisoqarnissaa takorloorneqarsinnaasoq. Tamanna qulimiguulinnut mittarfinnut annertunerusunik piunasaqaateqarfiusinnaavoq, taamaalillunilu aningaasaliinernut pisariaqartitsinerit annertunerulernerannik malitseqarsinnaalluni. Nalunaarusiami 2022-meersumi aningaasartut b-overslag-itut naatsorsorneqarput, aammalu kisitsisit taakkua nutarterneqartussaannerat eqqumaffigeqquneqassaaq.

Neriutigaara matuma siuliani allassimasuni apeqqutitit akineqarsimassasut.

Inussiarnersumik inuulluaqqusillunga



Hans Peter Poulsen